

Ebe ni IJudu Ọ kẹkẹ

¹ Mhẹmhẹ iJudu ni mhia ga iJesu iKirisiti, ni mhi gbo khi inyoghuo iJemhisi mhi kẹkẹ ebe ona.*

Eni Eshinẹgba Ita ọ zẹ, ni ọ nono ingme oyewẹ, ni a ri akhukhu oyi iJesu iKirisiti khukhu, mhi kẹkẹ ọli ghi.

² Ilẹlemhi ali opfomhẹ ali inono ni e gbeku ọ, e ka khi oyẹ.

Epfua oyi egbo esese egbhọli

³ Emọle mhẹ ni awa ga a ga Eshinẹgba, o mema ghọle mhẹ ni mhi kẹkẹ ingme imiepfuese ni awa mhọli shi ebe ghi ẹ, ni mhi rọ mẹ khi o mu egbe nẹ ni mhi ri ebe ya ri udu shi ẹ ọ, ni a doṅe gbelighi shi oni irudunga ni Eshinẹgba ọ rọ nga egbo eyọli obọ agbọagbọ kpa. ⁴ Oni irudunga o she la okhena, irari khi egbo ni ẹa ya na ulishi Eshinẹgba e she kuma awa ọ ni awa aa lẹse. Eni e mu ilẹlemhi oyi Eshinẹgba nyenẹ, khi eri o ri eghẹghẹ na wẹ e rọ ke li itsebo. E kie iJesu iKirisiti ni ọ khi Ọga ali Ọnọmhue oyawa. O she tẹse ni Ebe-no-pfuase o rọ kpẹ te eke ngme ọli khi eni e ya pfua ẹlẹ iguezọ e khi.

⁵ Irari khi ini a ririẹ kpẹ kie lẹse ena nya, mhi kie gbolo ẹ yele ẹ le khi Ọnọmhue ọ rue egbo eyọli rọte eke iJipiti lasele, ama, ẹlẹse, ọ pfuse eni ẹa lama miesuọ ni e la wẹ iteva-a.† ⁶ A sato khi igeni ni ẹa

* **1:1** Li zẹ iMat 13.55; iMak 6.3 † **1:5** Li zẹ Okiali 12.51; iNọba 14.29-30

mu omhẹse ni a rọ na wẹ mhue, ni e lase ashini a rẹ wẹ shi-a. Eri ọ rẹwẹ shi obili, ọ ri iwẹghe na agboagbo ge wẹ, ọ rẹwẹ ẹ khe iguezo ona ogbele ni o fune ni a la ya pfuse wẹ a. ⁷ A sato khi igho egbo iSodomu ali iGomora ali eni e la eoli ni e mama wẹ e li i ngeli, ni e rọ ku abo lo itsebo ali ighue ebe imumu. Eri a na wẹ osoli na agboagbo, rọ rẹ wẹ riẹle irokhokho, rọ tse agua ye egbo kpa.‡

⁸ Igho eni egbo ena, e li la elena ni o rẹwẹ lamhe ri ichimhi mu egbe wẹ, e ri ukpeloe gbe omhese oyi Eshinegba, e tigbe gbo me igeni na idane bie. ⁹ Egbegbi ageni ni ọ fune nya ni a lu iMakieni ọa fe gbudu ri ungmehi imebie pfueche Okphaghie-a, abi e rọ khe olimhi oyi iMosisi, ama eri ọ lese lie, “Onomhue ọ kie e.”§ ¹⁰ Ama eri eni egbo ena e kie pfi itsue ẹ manya egbo shi emini ẹa ririe lese udi oli. Eri e li abi elamhako ni ẹa ya sa. Angeli obe oyewe o ze ni e rọ pfua. ¹¹ Epfua e ya pfua! Ode oyi iKeni e rote, eri itobo ukpago ri egbewe ni ode ni ọa gbe akanya de abi oni iBelamu ọ riẹle. E nga engo, abi iKora ọ li nga engo, ni o rọ li pfua.* ¹² Egbo ukhimhi elemhi e khi ini e nu ẹ la ukue ni a la le eminale inono. E ri umha a na omama ali ulishi, e rọ nu ẹ a le eminale. Egbewe tse, e so eminale ẹ shi idi. Eri e li abi iza ni akpepeli o tsua kia. Eri e li abi ẹra okase ni ẹa ya mo idumhi, ni a vu a pfia, e khakha. ¹³ Eri angeli oyewe o ri egbe a khasẹ abi ofulu okẹ oniemi ni akpepeli ọọ tsughuse. Eri e li abi ikpetata ni ẹ kele-a, ni Eshinegba ọ ri obili ni o limhi shi eke ẹ khe agboagbo.

‡ **1:7** Li ze Igbae 19.1-24
12.7; iDeut 34.6; iZaka 3.2

§ **1:9** Li ze iDan 10.13,21; 12.1; Iro
* **1:11** Li ze Igbae 4.3-8; iNoba 22.1-35;

16.1-35

14 Agbhotu ishilua, Enọki ọ khi ini a rọte Adamu leli ọli, ayemhẹ ọ rọ ngme ingme angme-shi-ekẹ oyi ẹgbọ ena, ni ọ la liẹ, “Ghe khi Ọnọmhue ọọ bhale, lọli ali igeni agbẹlẹ agbẹlẹ eni e pfuase eyọli, ¹⁵ ni ọ rọ bhale ya gue ọgbọkpa ẹzọ, ni ọ rọ pfa ẹzọ mu ẹgbọ ebe nya shi ingeli ebe ni e ri ode obe ngeli, ali ingmemhi ebe ni e toto ni ẹgbọ ebe e ngme deba li.” ¹⁶ Ẹgbọ awọlọ ali eni ẹẹ mẹ umha-guẹli oyi ọgbọ e khi, ọghuemhẹ obe oyi egbewẹ ẹ deba, e ri unu ẹ nyanọ ifelẹ shi osomhi rọ ti egbewẹ nga. E ri ikhomhi akọ ẹ titi ẹgbọ, ini o ba mẹ asha ti wẹ egbe.

Itse-agua ali Ude

17 Ama emọle mhẹ, a sato emini ighiusomhi na keẹ eyi iKirisiti Ọnọmhue e ngme shi ekẹ. ¹⁸ Ee gueyẹ ẹ khi, “Ogbẹlẹ ikpukhokho, ẹgbọ ni e ri ẹgbọ ẹ li egia, ni e ya ke deba ọghuemhẹ ebe eyewẹ e ya la ọ.”† ¹⁹ Eni ẹgbọ ena ẹẹ pfi okemhi shi ẹ iteva. Isamhi agbọ, ni udu oyewẹ o gueyẹ wẹ, ẹẹ deba. Ẹa mholi Ayemhẹ oyi Ẹshinegba.

20 Ama ẹẹ emọle mhẹ, a ke sẹsẹ egbe ẹ ode irudunga ni o pfuase. A ke lema elemhi Ayemhẹ-nọ-pfuase ²¹ A la elemhi inono oyi Ẹshinegba abi a li migha a khe ilelemhi oyi iJesu iKirisiti Ọnọmhue ọyawa ni ọ rẹ ẹ bhale agbọ na agbọagbọ.

22 Lẹ elemhi eni e mhue akhọkhomhẹ shi irudunga oyewẹ. ²³ Tsumhi ẹgbọ ni ẹẹ nono ni wewẹ e mie iwali osesẹ ẹgbhọli suọ abine khi u wa ti ọgbọ erali lasele, lelemhi ẹgbọese ni e nono

† **1:18** Li zẹ 2 iPit 3.3

ikpaghioḅo. Ama mu egbe ẹ ini e khi yẹsẹ li de pfilo olamhẹ eyẹwẹ.‡

Iromhi ikuẹghie

²⁴⁻²⁵ Awa ri ikuẹghie na Eshinegba Otsumhi oyawa itoḅo iJesu iKirisiti Onomhue oyi awa! Lọli o doḅe ya mu ẹ mḅoli ini u khi de, ni o re pfuase, re ẹ ghele odalo oyoli ni o mḅoli ufumhi. Eshinegba, lolighuo o fute ni a ri ufumhi, ekpe, ekpabo ali omhesẹ ẹ na, neni a me igbaekele agbo, ghe memena, ali agboagbo. Atse.

‡ **1:23** Abi a li keke ona shi elemhi iGiriki khi. 'Khi mḅoli emini u ri itsua ni idiegbe olamhẹ e ri ichimhi a mu li.'

Ebe-No-Pfuasę Ishobo Onogbo
New Testament in Ivbie North-Okpela-Arhe
(NI:atg:Ivbie North-Okpela-Arhe)

copyright © 2012 Wycliffe Bible Translators, Inc.

Language: Ivbie North-Okpela-Arhe

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789194797

The New Testament

in Ivbie North-Okpela-Arhe

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

PDF generated using Haiola and XeLaTeX on 21 Feb 2024 from source files
dated 29 Jan 2022

03be06b0-68fd-500b-b9a9-6bca4b63979a